

Nunatta Atuagaateqarfia 2007

Ukioq 2007 pisarnertulli Nunatta Atuagaateqarfiani (NA) pisoqarfiusimaqaaq. Ukiup ingerlanerani aqqissuussinerit atorniartartutsinnut sammisut arlaqarsimaqaat. Taamaattumik allaqqaammut qaammatit tulleriinneri malillugit pisarsimasut taasariaqartut nalunaarutigissavagut.

Aaqqissuussisarnerit

Ukioq aallartillugu ukiuni kingullerni arlaqalersuni Unnuk Kulturisiorfik ukiup ingerlanerani aqqissuussisarnerit pingaarnersarisaat annersaallu arfininngornermi januarip 27-ni ingerlanneqarpoq. NA pisarnermisut ataqatigiissaarisuuvoq. Unnuk Kulturisiorfimmi suliffeqarfiit, peqatigiiffiit pisortaqarfiillu katillutik 40-sut peqataapput. NA-mi angalatoorsuit Karo Thomsen aamma Ono Fleischer arfininngornermi naapinneqarsinnaallutik. Taakku sapaammi assinik seqersittakkanik takutitsiitigalutik oqalugiartut. Inersimasunuunerusoq peqatigiiffik Qajaq Inuit pinnguaataanik takutitsipput. Egon Sikivat tivavoq Jørgen Kleemann pattagiaasartuq. Inersimasunut atorniartarfiup ilaani Groenlandica naqiterisoq Lars Møller pillugu saqqummersitsivoq. Aamma Solvej Skifte pinnerasaasiortut saqqummersitsiitigaluni suliaqarpoq. Meeqqanut pinnerasaasiortut saqqummersitsiitigaluni suliaqarpoq. Klovni Tapé unnuup ingerlanerani marloriarluni nuannarineqaqaluni meeqqanut aliikkusersuivoq. Angajoqqaarpasut aamma peqataapput meeqqanut atorniartarfik ulikkaavillugu ussattoqarpoq. Soorunamiaasiit bibliotekscafemi lagkagerpassuit boor'lullu mamarsaatigineqarluarput. Unnukkut nal 23.00 kulturisiorneq illoqarfimmi tamarmi matuvoq.

Februaarip qaammataani arfininngornerup ualia ataaseq sisorarfissiornissamut qiortaasitsisoqarpoq aamma decoupage-liortitsisoqarpoq tamanut ammasumik.

Martsip 8-ni Arnat Ulluanni arnanik unnukkut oqalugiartuqarpoq. Martsimittaaq påskilerneranum atillugu qiortaasitsisoqarpoq.

Meeqqat atuagaateqarfiani martsimi, aprilimi majimilu anaananut angerlarsimaannartunut meeraanullu filmertitsisoqartarpoq.

Aprilimi netmusik internetimut "ikkunneqarpoq" tusarnaarneqarsinnaalerluni. NA Inussivimmi kuturikkut assigiinngitsunik saqqummersitsisoqarnerani peqataavoq. Aprilip ingerlanerani atuakkiortoq Pernille Aalund oqalugiartuq atuakkiani "Hvad du ønsker skal du få" aallaavigalugu assullu soqutigineqarpoq. Aprilip 22-ni Atuakkaq Ullua malunnartinneqarpoq.

Aasaanerani aqqissuussinerit unikaallassimasut nangeqqillugit meeqqat atuagaateqarfiani pinnguarneq atuakkeriitigaluni aallartinneqarpoq. Oktoberimi Tibetimut tapersersuillutik peqatigiiffiliorsimasut siulittaasuut oqalugiartuq. Aamma Madam Dunk qallunaatut "Sådan lærte jeg at få tillid til min skæbne"-mik qulequtserlugu oqalugiartuq. Novemberimi Astrid Lindgrenip inunngorneraniit ukiut 100-ngornerat malunnartinneqarlugit meeqqat atuagaateqarfiani saqqummersitsisoqarpoq. Qaammammi tassani aamma nuersaaqatigiittoqarpoq. Juullerpaluttunik ilaqutariinnut qiortaasitsisoqarpoq. 28-nilu kalaallisut oqaluttuaqattaatitsisoqarluni kinaluunniit aliortukkersaarsinnaalluni.

Aasaanerani meeqqat atuagaateqarfiani atuarnermik unammisitsisoqarpoq .

Taaguuserneqarsimavoq "Puisi atuarumatoq." Tassalu 20.junimiit 18. augustip tungaanut ingerlanneqarsimalluni. Meeqqat atuagaq atuariarlugu taava allatigalugu allaatigisaallu meeqqat atuagaateqarfiani allagarsiivimmi nivinngarneqartarput. Ikinerpaamik atuakkaq pingasut unamminerup nalaani allaatigineqartussaapput. Amerlanerpaanik allaatiginnissimasunut akissarsiaasaqartitsisoqarsimavoq.

Ukiup sinneranut aamma atuarnissamut kajuminnerulernissamut iliuseqartoqarnerani NA peqataavoq ilaatigut Inerisaavik suleqatigalugu.

Pikkorissarnerit asssigisaallu

Majimi atuagaatilerisut katalogiseeriinermut pikkorissartinneqarput. DDE Libra aamma pikkorissarfigineqarluni.

Eriagisarialinnik toqqorsisarneq/nakkutilliineq pillugu Katuami ataatsimeersuartoqarnerani Groenlandica Elisalu peqataapput. Meeqqat atuagaateqarfiani atuagaatilerisoq Danmarkimi filmseminareqartoqarnerani peqataavoq. Søren Christensen kommunimi sunngiffimmi sammisassaqtitsiniarneq pillugu katersortarfimmi cafeseminareqartoqarmat peqataavoq.

Allat

Illup ilaani atuartarfik qalipanneqarpoq kingusinersukkullu aamma allaffeqarfik tamarmi qalipanneqarluni.

Inersimasunut atorniartarfimmi marlunnik atuagaatinik qinaasiffissanik maskiinartaartoqarpoq.

Naqitat ukiut 150-nngorlugit nalliuttorsiornerminni Groenlandicamiit atuakkanik allanillu Katuami saqqummersitsinermini atorluni iliuuseqarpoq.

Nunaqarfik Qeqertarsuatsiaat tikeraarneqarpoq atuagaataallu aqqissoqqinneqarlutik kasiiliinertalimmik.

Danmarkimi immikkoortortarput Kraemerhus matunissaminut piareersarluni aallartippoq. Siulliullugu atuakkanik kalaallisuunik peqqumaataasunik piniartarfik (Lagerlisten) 1. december matuneqarpoq poortorneqarnissaa NA-mullu nassiunneqarnissaa pissutigalugu. Siunissami suliasat tamakku NA-mi suliarineqartartussanngorput.

Novemberimi immikkoortortaarfik Groenlandica Ilimmarfimmuut nutserluni aallartippoq. Nutaaliaaqisunullu inissaminut iserterluni. Tassunga atatillugu suliasat atuagaatinik allatut nalunaarsuineq – tassa atuakkat tamarluinnaasa chipsinik ikkussuiffigineqarput. Sulisullu ikiunnissaminut periarfissaqartartut tamarmik tassani ikiuupput. Groenlandica allamut nuukkaluarluni aqqissuusaanermi suli NA-mi immikkoortortaarfittut inissisimavoq.

Ukiuni kingullerni kissaataalluni pilersaarusiorneqarlunilu ingerlateriigaq illup isaariaa ilorleq nutaamik aqqissuunneqarpoq. Paarlia annertusineqarluni skrankeqarfiup saaffiginnittarfia inikillitinneqarluni nutaamik nerriviusartaarpoq allaffeqarfialu immikkoortillugit matulerneqarlutik. Tamakku pereermata atorniartunut maskiina nammineerlutik atorniakkaminnik nalunaarsuiffigisinnaasaat ikkussuunneqarpoq (selvbetjenigsmaskine). Taanna erninnaq atorniat sungiuppaat atorluqaqalugulu. Tassunga atatillugu aamma nutaanik atorniarnermut allagartanik sanatitsisoqarpoq. Kinguneraattaq siuleriiaarluni utaqqisarnerup pisariaarunnera aamma taamaalilluni sulisut piffissaq annerusoq allaffimmi suliasanut allanut atussallugu periarfissinneqarput.

Sulisut

Jens Degn-Andersen 1. april Groenlandicami atuagaatilerisutut atorfinippoq. Rebecca Munk Jepsen 1. marts atuagaatilerisutut atorfinikkaluarluni oktoberimi Atuagkani atuagaarniartutut sulilerpoq. Atuagaatilerisoq Ulf Dan Andersen 1. november soraarluni Danmarkimut nuuppoq.